

Қазақстан Республикасының Үкіметі мен Қырғыз Республикасы Үкіметінің арасындағы үкіметтік байланыс саласындағы ынтымақтастық туралы келісімді бекіту туралы

Қазақстан Республикасы Үкіметінің қаулысы 2001 жылғы 19 наурыз N 360

Қазақстан Республикасы Үкіметі қаулы етеді:

1. 2000 жылғы 14 желтоқсанда Бішкек қаласында жасалған Қазақстан Республикасының Үкіметі мен Қырғыз Республикасы Үкіметінің арасындағы үкіметтік байланыс саласындағы ынтымақтастық туралы келісім бекітілсін.
2. Осы қаулы қол қойылған күнінен бастап күшіне енеді.

Қ а з а қ с т а н Р е с п у б л и к а с ы н ы ң

Премьер-Министрі

**Қазақстан Республикасының Үкіметі мен Қырғыз Республикасы Үкіметінің арасындағы үкіметтік байланыс саласындағы ынтымақтастық туралы
КЕЛІСІМ***

***(2001 жылғы 11 сәуірде күшіне енді - ҚР халықаралық шарттары бюллетені, 2002 ж., N 1, 12-құжат)**

Бұдан әрі Тараптар деп аталатын Қазақстан Республикасының Үкіметі мен Қырғыз Республикасының Үкіметі, екі мемлекет арасындағы қазіргі бар достық қатынастарды одан әрі нығайтуға деген ұмтылысты басшылыққа ала отырып, Тараптардың халықаралық үкіметтік байланысты сақтаудағы және дамытудағы мүдделіліктерін ескере отырып, мына төмендегілер жөнінде келісті:

1-бап

Осы Келісімде келтірілген терминдер мынадай мағынаны білдіреді:
"құзыретті ұйымдар" - Қазақстан Республикасының Ұлттық қауіпсіздік комитеті және Қырғыз Республикасының Ұлттық қауіпсіздік министрлігі;
"үкіметтік байланыс" - мемлекеттік басқару қажеттіліктері үшін арнайы байланыс;
"халықаралық үкіметтік байланыс" - Қазақстан Республикасы мен Қырғыз Республикасының үкіметтік байланыс абоненттері арасындағы ақпарат алмасуға арналған үкіметтік байланыс жүйесі;

"шифрлеу құралдары" - ақпаратты өзгертуді іске асырушы криптографиялық алгоритмдер, ақпаратты өңдеу, сақтау және байланыс арналары бойынша беру кезінде қорғауға, оның ішінде рұқсатсыз енуден, жалған ақпарат беруден қорғауға арналған аппараттық, бағдарламалық-аппараттық және бағдарламалық құралдар, негізгі құжаттарды дайындау құралдары, қол шифрлері, кодпен хабарлау құжаттары.

2-бап

Тараптар тұрақты түрде жұмыс істейтін халықаралық үкіметтік байланысты қамтамасыз етеді және жетілдіреді.

Әрбір Тараптың екінші Тараптың мүддесін қозғайтын халықаралық үкіметтік байланыстың ұйымдастыру, техникалық пайдалану мәселелерін шешу және қауіпсіздігін қамтамасыз ету кезінде құқықтары бірдей.

Халықаралық үкіметтік байланыстың ұйымдастыру техникалық пайдалану, қауіпсіздігін қамтамасыз ету және үздіксіз жұмыс жасауы мәселелерін құзыретті ұйымдар шешеді.

3-бап

Егер Тараптардың басқа келісімдерінде (шарттарында) өзге жағдайлар ескертілмесе, әрбір Тарап өз мемлекеті аумағында қолданылатын тәртіпке сәйкес өз мемлекеті аумағында екінші Тараптың мемлекеттік лауазымды адамдары үшін үкіметтік байланысты пайдалануға мүмкіндік береді.

4-бап

Өз мемлекеті аумағының шегінде халықаралық үкіметтік байланысты ұйымдастыру, іске қосу, техникалық пайдалану және одан әрі жетілдіру бойынша шығыстарды Тараптардың әрқайсысы дербес көтереді.

5-бап

Қ ұ з ы р е т т і ұ й ы м д а р :

халықаралық үкіметтік байланыс, сондай-ақ үкіметтік байланыстың ұлттық желілері үшін жаңа жүйелер мен құралдарды әзірлеу мен өндіру саласында ғылыми-зерттеу және тәжірибелік-құрастыру жұмыстарын бірлесе отырып жүргізеді;

үкіметтік байланыс құралдарын өндіру саласында өзара іс-қимыл жасайды;

үкіметтік байланыс жүйелері мен құралдарындағы ақпаратты қорғау саласында өзара іс-қимыл жасайды;

кадрларды даярлау, қайта даярлау және олардың біліктілігін арттыруды жүзеге асырады ;

Қазақстан Республикасы мен Қырғыз Республикасы үкіметтік байланысының радиоэлектрондық құралдарының электромагниттік үйлесімділігін қамтамасыз ету мақсатында өз мемлекеттер аумағында оларға бөлінген жиілік спектрін пайдалану мәселелер бойынша өзара іс-қимылды жүзеге асырады.

Аталып өткен өзара іс-қимылдың бағыттары бойынша ынтымақтастық құзыретті ұйымдар арасындағы келісім бойынша жүзеге асырылады.

Халықаралық үкіметтік байланыс үшін бірлескен ғылыми-зерттеу, тәжірибелік-құрастыру әзірлемелері және олар бойынша дайындалған берудің техникалық құралдары мен дауыстық және документальдық ақпараттарды шифрлау - Тараптардың құзыретті ұйымдарының жеке меншігі болып табылады және үшінші тарапқа өзара келісімсіз беруге жатпайды.

6-бап

Тараптар екі мемлекеттің арасында жасалған шарттарға (келісім-шарттарға) және олардың заңнамаларына сәйкес келісілген көлемде, халықаралық үкіметтік байланысты ұйымдастыру мен пайдалану үшін қажетті шифрлеу құралдарын, техника мен байланыс құралдарын, құрайтын бұйымдар мен қосалқы бөлшектерді жеткізуді, сондай-ақ көрсетілген құрал-жабдықтардың жөндеуін ұйымдастыруды және арнайы көзделген қызмет көрсетуді қамтамасыз етеді.

7-бап

Осы Келісімнің ережелерін түсіндіру немесе қолдану бойынша даулар туындаған жағдайда Тараптар оларды келіссөздер мен консультациялар арқылы шешетін болады. Осы Келісімнің ережелері екі Тарап та қатысушылары болып табылатын басқа халықаралық келісімдерден туындайтын Тараптардың міндеттемелеріне ықпал етпейді және басқа мемлекеттердің мүдделеріне, қауіпсіздігі мен аумақтық тұтастығына қарсы бағытталмаған.

8-бап

Осы Келісім белгісіз мерзімге жасалады және Келісімнің күшіне енуі үшін қажетті мемлекетішілік рәсімдердің орындалғаны туралы Тараптардың соңғы жазбаша хабарламаны алған күнінен бастап күшіне енеді.

9-бап

Осы Келісім өз қолданысын Тараптардың біреуі оның күшін тоқтату туралы өзінің ниетін екінші Тарапқа Жазбаша хабарлама жіберген күнінен бастап алты ай өткенге дейін күшінде қалатын болады.

Бішкек қаласында 2000 жылғы 14 желтоқсанда әрқайсысы қазақ, қырғыз және орыс тілдерінде екі түпнұсқа данада жасалды. Осы Келісімнің ережелерін түсіндіруде келіспеушіліктер туындаған жағдайда Тараптар орыс тіліндегі мәтінге жүгінетін болады.

*Қазақстан Республикасының
Үкіметі үшін*

Қырғыз Республикасының

Үкіметі үшін

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК